

قلبت ميزان حياتي

ديوان بالعامية المصرية

صلاح على على صالح





## فى لحظة ندم

فى لحظة ندم بتقولى ساحينى  
دي حياتى عدم يارىت  
تصالحينى  
جيت والدموع سبقاك مالىة عينيك  
وعندك أمل أرجع تانى  
إليك  
الحب انهزم ضاع بينك وبينى  
وقلبى انظلم دلوقتى شارينى  
أساوتك فىن جاي مرعوش الإيدى  
كرامتك زين وانت مطاطى وحزين  
زاد الألم بكلمة اعذرينى  
تبدل قدم يا خجل دارينى  
شوقى اتردم جات عليه السنين  
حنينى انكتم يسمع صوت الأنين

\*\*\*\*

## قراري

قراري خدته بنفسي  
 خدته والدمعة ف عيني  
 أنا لازم أبعد بعيد  
 وصلتني آخر ياسي  
 مبقاش صبري يكفيني  
 يا ريتك تبقى سعيد  
 باحلك من وعودك  
 من ضعفك من جحودك  
 من نار ما بنا تقيد  
 لازم أبعد وأسيبك  
 الاسم كنت حبيبك  
 وكفاية بقي تجريح  
 مشاعري بقت حزينه  
 ضحكي يادوب للزينة  
 بقولها بلسان صريح  
 لكن مع نفسي أمينه

شايلها ف قلبي دفينه  
ماعاد يخذعني مديح  
وعودك كانت وسيله  
يادوب مجرد حيله  
وغدرك كله ماليك  
جحودك خسة وغيلة  
وخداع عشرة طويلة  
في عز ماكنت شاريك  
وكان حنانك بالتيله  
مانظقتش كلمة جميلة  
حي ضيعته يايديك

\*\*\*\*

آه يا سيدي

آه يا سيدي

لمسة إيدك

طبعة ف إيدي

آه يا حبيبي

نظرة عينك

شكة وريدي

دقة قلبك

دقة بدقة

مع تنهيدي

براهين حبك

حاسدني ازاي

أوي محاسيدي

دنا من شوقك

بجري بلهفة

على مواعيدي

حبك ودك

حنانك ليا  
بان على عودي  
قربك هوه  
زود عندي  
حلاف مودي  
سحر كلامك  
أدى معنى  
سر وجودي

\*\*\*\*

## يا عيونُ مخيلتكُ حبيبي

يا عيون مخيلتك حبيبي  
 نايمّة صاحبة على الحنين  
 لونه كان مش نصيبي  
 لكن قلبي عافر سنين  
 عايش عل ماضي يا حبيبي  
 حبك جواه موصول للحنين  
 اسمك محفور فيه حقيقي  
 إلآه منه طالعة أنين  
 ولهفة شوقي ولهبي  
 منقوشة بألم خطه حزين  
 أد إيه منك تعذيبي  
 يلي ف حنانك أسي وضمنين  
 أنت عايش يركاك حنيني  
 ونا هواك عشته ف زنازين  
 أنت أديتني دوى ياطبيبي  
 كاسه ف سنين شاربو أنين

## لو أنت نسيت

لو أنت نسيت  
أنا مانسيتش  
لسة النار  
الي مابردتش  
لسة جراحي  
الي ماخفتش  
حتى دموعي  
دي مانسفتش  
وكل أهاتي  
وتقول معلش  
ينفع أسامح  
كده بالغش  
أشوفك أضحك  
لأ لأ مايلقش  
جرب أبلا  
ليلة عذاب

عيش اللحظة  
لو ضحكك غاب  
حس بإحساس  
ظلم الأحاب  
دوق الجراح  
دوق الخداع  
شوف مشاعرك  
لو حبك ضاع  
لما تعاشر  
واحد لواع  
بدل الحب  
يعيش ف خداع  
لما تخلي  
حبيين ف خصام  
أه يتقابلوا  
من غير كلام  
يخطفوا نظرة  
بدون سلام  
لما بنا

ضاع العنوان  
بص لنفسك  
باقيت عدمان  
لا فيه الشوق  
ولا الحنان  
بانت عل وش  
كل الأحزان

\*\*\*\*

## أنت اتغيرت

أنت اتغيرت خالص  
 أنت ما بقيتتش خالص  
 باقيت كداب وبارع  
 باقيت خاين مخادع  
 ياريتك حتى حاسس  
 أنت اتغيرت خالص  
 دي غلطة مني جايز  
 حاولت معاك وعايز  
 أغير فيك ولكن  
 ده طبع فيك وساكن  
 وف جرحي عشت هايص  
 أنت اتغيرت خالص  
 دموعي لما هانت  
 وأسوة غدرك بانتي  
 برضه قولت أحاول  
 أعدل قلبك أل مايل

وأنت في ظلمك دايس  
أنت اتغيرت خالص  
صحيح زمان عجائب  
ماليش ف الفرحة نايب  
يلي حاضر وغايب  
ياريتني حتى عاجب  
خليك يا عذاب مآنس  
أنت اتغيرت خالص

\*\*\*\*

## قالوا كلام

قالوا كلام  
كده طراطيش  
بيحبي موت  
وما قاليش  
وف نار الشوق  
هيمنان بيعيش  
متعذب أوي  
ما صارحنيش  
قولت ياناس  
ما يخلصنيش  
عيني حرام  
ماداق النوم  
وشوق وحنان  
مرصوص بالكوم  
قالوا كمان  
ده يوم ورا يوم

بحره الكتمان  
بيبلط عوم  
دايمًا سهران  
ويا النجوم  
قولوا ياناس  
أعمله إيه  
قلبه الحساس  
إزاي أرضيه  
رقّة وإحساس  
عيني عليه  
حبه شعور  
باين ف عنيه  
خلاص خلاص  
حافكر فيه

\*\*\*\*

## الركُّ عليكُ

الركُّ عليكِ  
كله بإيديك  
أبعد عنك  
أو أقرب ليك  
أبقى أنا حاسس  
بيك وشاريك  
أما ألقى روعي  
ف حبابي عنيك  
قلبي حايكون  
كده طوع فل إيد  
ساعة مالاقيك  
حبك ده أكيد  
مشدود ليا  
و بحبي سعيد  
أديك حياتي  
وأفضل أعيش

يادوب عشانك  
وغيرك ماليش  
وتخلص وتكون  
أد الحنين  
وتعيش وتصون  
عشرة السنين  
تعشق بجنون  
الصدر الحنون

\*\*\*\*

## ودودولك

ودودولك كلمتين  
 دموعك دمعتين  
 غيروا حالك ف دقيقتين  
 بعث ف ثانيه حب سنين  
 طيب قولي حبك فين  
 هي الغيرة تعمي العين  
 كلمة تجيبك وتوديك  
 عرفوا نقطة ضعفك فيك  
 أبكي منك ولا أشكيك  
 ضحكوا بكلمة زور عليك  
 وعدك فين فرش حرير  
 ريش نعام ورد جميل  
 فين راح حبك الكبير  
 ولا كله كان تمثيل  
 خال عليك حبة كلام  
 اتغيرت مع الأيام

كنت تسامح فل خصام  
كنت تصالح بابتسام  
شوقك فين فين الحنان  
الي كان ف عنيك ببيان  
فين عشقك كان بجانان  
أصبح شكك العنوان

\*\*\*\*

## دلوقتي نزلت دمعة

دلوقتي نزلت دمعة  
 هو أنت باقيت لرجعة  
 للعشرة ال أنت ناسيها  
 دوق في مرة طعم اللوعة  
 يلا حس بناري الوالعة  
 اللي ياما عشت فيها  
 طافيت لي في قلبي شمعة  
 فاكرني يا عيني سلعة  
 تبيعها وتشتريها  
 دنا قلبي كان زي النسمة  
 بيعب الناس أوي واللمة  
 وأنت بتأسا وتلعب بيا  
 ماسمعش منك يوم كلمة  
 ترسملي على وشي البسمة  
 ولا شفت معاك حنية  
 وسهرت الليل وسط الضلمة

أقول خلاص يمكن قسمة  
وتلاوع وتظلم فيا  
ياريت كانت يادوب غلطة  
كان قلبي ينساها حتى  
وأسامح وأعديها لك  
لكن الي زاد وغطه  
حي الي افتكرته ورطة  
ماتقولي وبعدهالك

\*\*\*\*

## فيكي مغناطيس

فيكي مغناطيس  
 شادد قلبي ليكي  
 ويا الأحاسيس  
 لوني حريص  
 خايف من عينيك  
 أبقى رحت فطيس  
 شفتك من بعيد  
 قربك مني سبّة  
 حسك لون جديد  
 خفت أقول وأعيد  
 تبقى بكلمة بنا  
 شدة فل عريض  
 لكن بالتأكيد  
 أصبح بنا أن  
 عايشة فل وريد  
 أشواقي محابيس

بكلام متزوق  
طلعوا مل كواليس  
تدور عل ونيس  
باقيت متشوق  
بتهته فل حديث  
آه لو كان يلين  
قلبك حبة حبة  
ييجي بالحنين  
يم عيون حلوين  
دايب مل محبة  
أشكي بس لمين  
بفزع مل كوايس  
حد يخذك مني  
عقلي ف ثانية يهيس  
حناني ملا قراطيس  
شوقي شكشك فيا  
زي الدبايس

\*\*\*\*

### قلبي نسيك

أنا قلبي نسيك خلاص  
وبيفتكرك طشاش  
من يوم ما قلبك داس  
عل حب وراح ماجاش  
واحدة بواحدة ياناس  
باع ومايلزمناش  
مش لايم عل عزال  
مايقولوا قلبك خان  
مش حاسمع قيل وقال  
طبيعي أصلك بان  
تتشعبط فل حبال  
ماليك عندي مكان  
جرحي حتى ما زال  
بيدورع النسيان  
ده قلبك لما باع  
ياواخذ عل خداع

بيفكر قلبي ضاع  
قلبي الي كان بيساع  
غلطاتك الفزاع  
عملك نفسه شراع  
دلوقتي الصاع بصاع  
يلي اخترت الوداع

\*\*\*\*

## غيتوني من حبيبي

غيتوني من حبيبي  
والي بيعمله  
قولولوا ده حبيبي  
برضه أستحملة  
رضيت نصيبي بإيدي  
رغم اللي جرا  
لو تنسا يوم حقيقي  
دفاترك تنقرا  
كام مرة كان تعذيبي  
وكام فرحتني  
إيمتي كنت داربي  
مرة وريحتني  
ملقيتشي يوم حنانك  
لما وعدتني  
ولا السعادة  
بجد تعبتني

## وعرفتي يا عيني

وعرفتي يا عيني تدوي  
 وتقولي عليه مكتوي  
 ياريتك مرة تتوي  
 ياما يطلع من محبوي  
 بتبوحى ليه يا عيوني  
 وتخلي الناس يلوموني  
 ودوني عينيه وجابوني  
 جوني ف أحلامي شغلوني  
 لكن اللايمين ماسبوني  
 كلامهم زاد دجوني  
 اشمعنى عليه بتلوفي  
 وف سحر عينيه بتطوفي  
 ياما لسة أه حاتشوفي  
 أه منك وأه ياكسوفي  
 غيرتي وبدلتي ظروفوني  
 بددتي قلقتي وخوفوني

حرمانی ساعات من نومی  
وقلة راحتی فی یومی  
لو کان ده صحیح مقسومی  
أری ورا ضهری همومی  
أهرب من حیرتی ولومی  
وانتی علی عومی تعومی

\*\*\*\*

## أديك أهوه شمتهم

أديك أهوه شمتهم  
 باقينا لبانة ف بقهم  
 لقمة طرية ف حلقهم  
 وولي ناحيتنا ف سرهم  
 مالي ومسود قلبهم  
 والغيرة بتجري ف دمهم  
 قالوا علينا ولسنوا  
 تكفف نظرنا بيستقوا  
 مهما قدامنا يحسنوا  
 ناقص شوية يزغرطوا  
 ويبوسوا بعض ويحضنوا  
 على زعلة بنا يزأطوا  
 باين يا ناس اتجننوا  
 نازلين كلام ويرطرطوا  
 عند فيهم راجعين لبعض  
 خلي حياتهم برق ورعد

لو شافونا عينهم فل أرض  
زعلنا حبة أيوة بجد  
إيديهم ساعتها تشبع عض  
خلي سكوتنا هو الرد  
خلي سامرهم يوم ينفض  
يلا نكيدهم وصال وود

\*\*\*\*

## آه منك

آه منك لما بتخاصم  
 وشك كله بيدي طلاس  
 حاكم أنت قلبك ظالم  
 ونا قلبي طيب ومسال  
 مش كل الناس تبقى معادن  
 دا كتير منهم بيكون فلفصو  
 بيبيع ف العشرة وخاين  
 مايفكرشي إلا ف نفسه  
 وأنت غامض منتش باين  
 وبايني الحلوين خلصو  
 ماين قلبي وقلبك قارن  
 مين فينا مشاعره اتأسوا  
 من حبك أبدًا مش طايل  
 غير أني عايش على همه  
 وبتعمل فيا عمائل  
 وقلبي يتعكر دمه

وحياتك عندي مش ناقص  
قول لمشاعرك يتلموا  
في غضبك بتكون حاسس  
ولا عنيك دايمًا يتغموا

\*\*\*\*

## ولحقتِ تنسا

ولحقت تنسا  
مين فينا لسة  
عل حب ياسا  
بأسود غلسة  
ومين ده لسة  
مقدرشي ينسا  
وروحه حاسة  
لو أنت فاكر  
إنك ياشاطر  
غادر وقادر  
باقيت تكابر  
قلبك ياسا تر  
صمم وهاجر  
حاولت أعافر  
علشان ما خاطر  
حبك ياغادر

وأنت اللي خاسر  
لو أنت حابب  
تجرح يا خايب  
أغلى الحبايب  
تبعد وسايب  
قلبي ده دايب  
يجرح صايب  
أما عجائب  
لما تعاتب  
اصحاح وحاسب  
على ود غايب

\*\*\*\*

## رحت وقولت عدولي

رحت وقولت عدولي  
 ولا الدموع شفعولي  
 لا حنين بعثولي  
 ولا مراسيل يوم جولي  
 عوازلي لاموني  
 وبنظرة جارحة بصولي  
 مني نفسي ف وداك  
 غيبتك طالت وبعادك  
 أنا عل وعد ف غيابك  
 أغلى أوفى أحبابك  
 قول طمني إيه نابك  
 إيه منعك وماجابك  
 دن ناس لما شافوني  
 أغراب لكن رحموني  
 مسحوا دمعي وصوني  
 أرحم روحي وعيوني

وأعيش مرة لشئوني  
 رديت قولت نسوني  
 عقلي شارد بينفكر  
 إزاي في بعدك حقدر  
 لسة قلبك على ماهو  
 ولا عل بعد اتغير  
 وب إيه وإيه أتأثر  
 وكنتم همي وتصبر  
 يلي من بختي وكومي  
 قائل راحتي ونومي  
 يامزود فيا همومي  
 شوية عليك لومي  
 حبيتك ومقسومي  
 في هواك يطول يومي

\*\*\*\*

## أنا حرّة

أنا حرّة فل حدود  
 مش طايشة ليا مود  
 قالوا بنت جريئة  
 ناصحة أوي بطريقة  
 والضحكة عل حدود  
 أنا نفسي ف واد أروب  
 مش خاطب أو مخطوب  
 راسي كدة حبوب  
 مالوش في أي جروب  
 فل حب يكون لهلوب  
 بنظرة مني يدوب  
 مشاعره رقيقة  
 ياخذني صديقة  
 والضحكة عل حدود  
 يكون إتيكيت وذوق  
 مش عصبي أو قلوب

زعلان أوام يروق  
مليان حنان وشوق  
دائماً باصص لفوق  
مايحصش للفروق  
واضح فل حقيقة  
عنده نية بريئة  
والضحكة عل حدود  
بيفهم فل أصول  
دمه خفيف عسول  
واعى وواد شملول  
باله ويايا يطول  
بيجي دوغري ومعدول  
شكله يكون مقبول  
ماحسش بضيقه  
أو كلمة مسيئة  
والضحكة عل حدود

\*\*\*\*

## دلوقتي جي وبتزورنا

دلوقتي جي وبتزورنا  
 وبتسأل آخر أخبارنا  
 هو احنا نسينا الي جراننا  
 لما أنت جي تفكرنا  
 ياري بس تصبرنا  
 على جرح حبك ومرارنا  
 معاك مشينا مشوارنا  
 بنخاف ونداري أسرارنا  
 لا يوم ياعيني اتصورنا  
 إنك تفكر تهجرنا  
 مف مرة حتى اتأثرنا  
 بأي كلمة تعكرنا  
 صاحبنا بيك كل أصحابنا  
 كان قلبك بيتنا ومطرحنا  
 صوتك ياعيني يصبحننا  
 نقعد ف مكانك ببراننا

عاتبنا ياما وصارحنا  
على أسوة قلبك سامحنا  
ماكان منانا تدبجنا  
تفضل معانا تفرحنا  
ماخذنا إلا جراحنا  
لا يوم وياك اتبطننا  
لكن قولنا ده قدرنا  
وجاي دلوقتي وبتزورنا

\*\*\*\*

## مش طبيعي

مش طبيعي  
إنك تباعي  
وإنتي الي كنتي  
ملك طوعي  
ماشي بيعي  
حي ودموعي  
إوعي تنسي  
حبك صنيعي  
ابعدي لاوعي  
كدي سمعي  
وبخنجرك  
قطعي ضلوعي  
مش طبيعي  
تتغيري فجأة  
عايزة أصدق  
ياألف لأه  
حاسبي قلبي

على كل دقة  
غمضي عيني  
ببصرة رقة  
متخلي روجي  
حسة بخنقة  
خلاص أسيبك  
مش حايبك  
يمكن طريقك  
تاني يجيبك  
ون طريقي  
مبقاش يليقك  
إوعي غلطة  
تقولي حبيبك  
أو تقولي  
عذبك حنينك  
دنا بسببك  
طفيت شموعي  
دنا في بعدك  
لميت قلوعي

## وعدمني

وعدمني  
الردمني  
راح يبقى آسي  
خدهامني  
فل بعد عني  
ح تشوف مآسي  
أنت ظالمني  
مش هاممني  
ناكر وناسي  
دلي يشيني  
أكيد في ظني  
خاين أساسي  
إياك فاكرني  
إنك تعيرني  
لا ياشاطر  
كنت تحايلني  
عشان تعرفني

يعني فاكر  
لما تبيني  
وتلاوعي  
عبيط وخاسر  
تاكل في صحي  
وبتجرحي  
حقيقي فاجر  
الي بيحزني  
ومآمني  
بكلام جارح  
مش شاغلي  
إنك باعدني  
خلاص يافالح  
بس حازني  
إنك ذامني  
عل مطرح  
قلبك يخونني  
ودابجني  
والكذب فاضح

## انتهيتي

انتهيتي من حياتي  
 اتنسيقي من آهاتي  
 يلي كنتي ف ذكرياتي  
 ناسية حي ناكرة ذاتي  
 يلي كنتي واني دائي  
 عمري راح ماسبتي باقي  
 كنتي واثقة من فراقي  
 واني جارحة كبريائي  
 رحت والله ياشبابي  
 ويا همي وعذابي  
 ونا فاتح ليكي بابي  
 غدرك أبداً ماكان ف حسابي  
 حنسا ضحكك من غرامي  
 كل صدك عن سلامي  
 حنسا سهوك عن كلامي  
 كل فرحك من آلامي

## لسة فاكرة

هو انتي لسة فاكرة  
 مش انتي كنتي ناكرة  
 كل لل ربطني بيكي  
 يوميهما قولتي قادرة  
 تنسي بعد فترة  
 مع حرصي ساعتها عليكي  
 لكن خلاص ياغادرة  
 كفاية كلام ومهابة  
 دنا سبت الغدر ليكي  
 مش عايز حتى نظرة  
 أو دمعة أحن وطرة  
 إيه بس اتغير فيكي  
 مش ناقص قلبي نحرة  
 أو عيشة جارحة مرة  
 خليكي بعيد خليكي  
 راهنتي وكنتي خاسرة

حسيتي اليوم بحسرة  
وعندي ده يكفيكي  
حاولت ألف مرة  
قلبك كان زي الصخرة  
دلوقتي قلبي نسيكي  
أنا عندي أعيش ع الذكرى  
قلبي عمره مايكره  
ياريت ندمك يكفيكي

\*\*\*\*

## تعالى بقى

تعالى بقى  
وحشني اللقى  
وقلبي اشتكى  
ومتشوقة  
حنيني شقى  
عيني م البكى  
ويا خدودي  
دي متغرقة  
دنا متضايقة  
دنا متخلقة  
من غيرك ببقى  
أوي متقلقة  
وتايهة وشاردة  
ومبرقة  
وانت سايني  
ليه متعلقة

عشقتك ونا  
كان كلي مني  
عائشين وبنا  
الفرح والهنا  
وجرحنا الهوى  
ون كان الدوى  
الغاوي غوى  
وقلبه انكوى  
ودوبنا سوى  
والحب ارتوى  
لف مرة سلى  
أو فكر طوى  
إحساسه انكوى  
لكنه اتشوى  
عذاب وجوى  
لآخر مدى  
لعل وعسى  
يبقى اتنسى  
مافات من أسى

حيرة وهلوسة  
وتعرف كدة  
وبالشكل دة  
أنا كنت ولسة  
باقية ومخلصة  
لسة بالذكرى  
أنا متونسة  
عايزة رجوعك  
ومتحمسة  
شايلة في قلبي  
ومحوشة  
ناسية الوحشة  
ومتوغوشة

\*\*\*\*

## سرّ الفولة

أه يانا يانا  
الحب جانا  
وشوش ندانا  
صحا ويانا  
حنين جوانا  
الشوق عمانا  
جابنا وودانا  
قولي ياخاله  
كلمة ف قواله  
تفسير الحاله  
ولو محاله  
عينيه عسولة  
تطلع الأولى  
ده سر الفولة  
باقيت مياله  
على غير العادة

حرك جواية  
أشواق بزيادة  
جات على هوايا  
حسيت بسعادة  
وكل مادة  
وبدون إرادة  
وياه بتمادة

\*\*\*\*

## لازم نعترف

دلوقتي لازم نعترف  
 إن إحنا فشلنا للأسف  
 قلبك عمره مف يوم عرف  
 يديني السعادة واتنصف  
 طبعك ليه عن طبعي اختلف  
 جرحك غار ف قلبي ونزف  
 حبستي في قفص ذهب  
 كانت أسواره نار ولهب  
 كأس عذاب سنين إتشرب  
 اتحملته ونا مش طيقاه  
 كان حلم جميل واتسجن  
 وهم وسراب حققناه  
 علقنتي علل جدران  
 زوقنتي بكل ألوان  
 من غير حنية وحنان  
 ما حستشي معاك يوم أمان

أسوة كثيرة أوي وعذاب  
ما كنتش معايا إنسان  
حافك من إيدي القيود  
وأحطم كل الحدود  
وأمسح دمعي من عل حدود  
وأمجي سنين ياريت متعود  
حنسا الي خان الوعود  
ومعاه دبلت كل الورود

\*\*\*\*

## بدأوا يلسنوا

حبنا مش محتاج شماعة

علشان نعدمه

مكنشي عندك شجاعاة

إنك تعلنه

إيه فاضي قوللي تاني

قلبي يقدمه

الناس خلاص عرفوا وحسوا

بدأوا يلسنوا

ويا لمة تكون حوالينا

تنكر حبنا

لما أقولك ليه خبيننا

بتزوق كدبنا

حتى لما نكون وحيننا

ننسا بعضنا

حتى الحب تاه ف السكة

وسط الدنيا

كنت بشوف نظرة شفقة  
ف كل ثانية  
وفضلت تداري وتنجي  
ونا متعذبة  
دي ظروفك أنا إيه ذنبي  
تأهة مستغربة  
مش بلومك بلوم نفسي  
باقيت متحطمة  
بهرب من كدي ويأسي  
وبقشة متشعبطة  
إزاي أرضى لروحي  
وأعيش متلخبطة  
عماله ألملم ف جروحي  
خيبة ومتورطة

\*\*\*\*

## برضة يصحّ

برضة يصح  
تنسا سنين  
الهوى والفرح  
ولا يصح  
تجرح قلبي  
أكبر جرح  
نابك إيه  
لما بتخون  
العيش والملح  
حاولت بمجد  
بس عنادك  
زاد عل حد  
سقيتك شهد  
إديتني شوك  
خدت الورد  
توعدي وعد

حيرتني  
بالطول والعرض  
ألين وتشد  
ويكون ردك  
هو الصد  
لا توفي بعهد  
باقيت أشكي  
لطوب الأرض  
وأدوق المر  
وأتنازل  
وأنت بتتغر  
وأرجع أجر  
رجلي وفشلي  
ذكرى تمر  
لا حاجة تسر  
ولا برسا  
يوم على بر  
وأنت موصر  
تكسر قلبي

ويا المهجر  
طال الصبر  
من حبك  
مش لآتي مفر

\*\*\*\*

## إنزلی یادموغ

إنزلی یادموغ  
بتریحینی  
دنا یاما ضاع  
عمری یاعینی  
أنا عشت معاه  
أحلی سنینی  
مانابنی غیر  
إنه یبکینی  
إنزلی یادموغ  
غرقی عیونی  
حبایی کتیر  
یاعین ظلمونی  
خانوا یاناس  
راحوا وباعونی  
جایین کمان  
قال یلومونی

إنزلي يادموع  
إكويبي خدودي  
ياراحة البال  
ياريت بتعودي  
لأحس ف يوم  
مرة وجودي  
لا صان عشرتي  
أو حتى عهدوي  
إنزلي يادموع  
بي ف مناديلي  
إملي مكان  
قهوتي فناجيلي  
فين راح الفرحة  
ردي قوليلي  
باينه الجرح  
قاعد وناويلي

\*\*\*\*

## عل حب وسنينه

عل حب وسنينه  
 ع لي عاشقينه  
 احنا الي عاجينه  
 يا ناس وخابزينه  
 نتعب وعائزينه  
 ياريتنا عاجبينه  
 لو قولنا حبينه  
 أو قولنا كارهينه  
 احنا كدة نجيلك  
 ونعيش مواويلك  
 وندوب ونحكيلك  
 وتعمل أفاعيلك  
 ياقلوبنا بتدوي  
 وتقولي محبوي  
 فل أصل مكتوبي  
 ولا حتى بتوبي

وندوق في تعذيبه  
ناره ولهاليه  
ونرضى بعيوبه  
وكدبه وألعيه  
شايه ف عنيا  
ورموشي مغطيه  
يأكل بإيديا  
يشرب في حنيه  
مارقشي يوم بالي  
قلبه ماصفالي  
بيجري ماجرالي  
وبرضه يحلاي  
أنا ياما قرينه  
ونصحته وعيته  
وحرمني واديته  
وهمي خبيته

\*\*\*\*

## عمري مايزعل

عمري مايزعل أبداً  
 ولا باخد على خاطري  
 إنتي يا حبيبي دائماً  
 بتواعدي وتعتذري  
 ما بقتشي تفرق طبعاً  
 لا بأمرك ولا أمري  
 كنتي وأصبحتي فعلا  
 على بالي بتمري  
 على فين حتروجي مني  
 ونا قلبي بيتشحتف  
 ولفين راح تبعدني عني  
 وأبقى بحبك متكتف  
 صابر معلش لأنني  
 مسير بعدك يتأسف  
 معقول قلبك يبيعي  
 وأغرق معرفش أأدف

تبعدي وتغيبي حبه  
وتباني لما تحبي  
ساعات بتوه السكة  
خبي لو عايزه تحبي  
وخاف عليكي الشكة  
لو وقفة حتى جنبي  
وأشوف ف عنيكى ربكة  
أعلن أو أكتم حبي

\*\*\*\*

## انسيني

انسيني  
لو بتحبينني  
الذكرى عندي  
تكفيني  
يلي ف لحظة  
جرحتيني  
ف مشاعري  
وموتي حنيني  
أوعي ف غضبي  
تأسيني  
أنسى بقولها  
على عيني  
مدام مش عارفة  
تصونيني  
تعباني دائماً  
اشكيلك

أفعالك كلها  
بتسيئك  
حقيقي ما زلت  
حبيبك  
افهني ما تليقني  
وما تليقك  
ولا عشان  
قولت أسيبك  
بتهدي معايا  
زعايبك  
معلش روجي  
لسبيلك

\*\*\*\*

## عجائب

عجائب عجائب  
عليكو حبايب  
بتروحوا تنسونا  
ولا تفتكرونا  
أول متقابلونا  
أوام تلومونا  
عل ود الي غايب  
عجائب عجائب  
نداري ونتحايل  
ويا ما بنحاول  
عل بجحت الي مايل  
والدمع الي سايل  
عتابكو مش خايل  
والقرب مش طايل  
قلبي الي دايب  
عجائب عجائب

عل غيبة مش لايم  
ف بجوركو أنا عايم  
لا مرة بنتصاح  
أو حق بنتخاصم  
حيي يا ولدأهو  
لسة على ماهو  
شوقه ودواهو  
ف السكة يوم تاهو  
ولا لاقى نايب  
عجايب عجايب

\*\*\*\*

## دق يا قلبي

شفته خلاص

سرعت الدق

دق يا قلبي

قوله الحق

حبك ليا

عمل الفرق

جه خطفني

بسرعة برق

وويا الشوق

أنا أنا

إحساس طاغي

يمرق مرق

خلا عزولب

يغلي يطق

قلبي ف حبك

ماقالش لأ

حبك إنت  
دون الخلق  
شفته لقيته  
توب عل أد  
فيه حنية  
ماهش على حد  
طيبته حنانه  
على طول ييود  
يفهم ردي  
قبل ماارد  
يخاف عليا  
من حبة برد  
أيامه معايا  
صحبة ورد  
دوغري وجد  
عطفه وحبه  
نسافى المر  
كل أيامه  
بجد تسر

## لسة

بتجيب في سيرتي لسة  
 فاكرني لحقت أنسا  
 رجلك قادرة تخطي  
 وبجرحي لسة حاسة  
 اخجل ياسيدي حبة  
 حتراجع نفسك إيمتي  
 ماإنت بعث المحبة  
 مش شايفة كسوفك حتى  
 ماسك لي ف إيدك وردة  
 دي قصة ف حياتي عارضة  
 مرت أوقات في شدة  
 يادوب فوقت النهاردة  
 صراحة لازم أقول لك  
 إزاي تاني أكون لك  
 كرهتك ضعفتك كلك  
 من أي وعود باحلك

متماسكة برغم ألمي  
مسبب ليا ندمي  
جرحك لساه بيدي  
حبك ده هو جرمي

\*\*\*\*

## علمني

علمني ونا أتعلم إزاي بعنيا  
أسلم  
ويروح خجلي واتكلم وأقولك ع لي معلم  
ياحبيبي جوة ف قلبي  
علمني أقدر أثبت ليه روجي دارت خبت  
والدقة ف قلبي دقت وعقلي كله اتشتت  
مش قادرة عيني تخي  
علمني إزاي أعبر بوردة جوري وعنبر  
أدي حنان وكتر شوقك خليه معطر  
ودوس على وتره حي  
علمني لما أقابلك أتجرأ أقول باحبك  
أأضي لحظة جنبك خليني حبة ف حضنك  
أحكيلك أنا عن غلبي  
علمني أسهر ليلي ويروح النوم من عيني  
أنسني يلا احكي لي وجوة عنيك خبيني  
خليك تملي في قربي

## قلبت ميزان حياتي

قلبت ميزان حياتي  
 طبطني فل غرام  
 خلاص طلعت آهاتي  
 حرام عليك حرام  
 طول عمري في حالي  
 روحي عايشة ف وئام  
 عرفتك إيه جوالي  
 كفه طبت تمام  
 شوقي بان وحناني  
 والناس عرفت أوام  
 حبيت قبل أواني  
 ألوم عليك واتلام  
 وتجنّب ف منامي  
 أصحا وأنسا الأحلام  
 أمشي ألقاك قدامي  
 والشوق عمره ماينام

أنسا معاك الأسمي  
ويتوه كل الكلام  
تتسرب من مسامي  
نظرات عينيك سهام  
تفتن لك عن غرامي  
والنار تصيح ركام  
وأقول جالك كلامي  
ف البحر باقيت عوام

\*\*\*\*

## عودي لنفسك

عودي لنفسك أبلا  
قبل ماترجعي  
دي آخر محاولة  
وحامشي لسبيلي  
لومات قلبي أولا  
أنك تترحميلي  
سايقة ف عندك ولا  
عايزة توصليلي  
رصاصه الحب أتلا  
شيلي ذنبه شيلي  
بايعة وإنتي مايلة  
ونا الله وكيلى  
سبتي الوردة دبله  
كان لازم تحاييلي  
لو بعدك لعله  
مش ح تلقى مثيلي

ناسية وإنّي غزلة  
توي تطولي  
جرحي كنتي طايلة  
تزيدي وتكوي

\*\*\*\*

## كنت فاكراً

كل دة ونا كنت فاكراً  
 إنك بتحبني  
 أثاريني فضلت واهم  
 في خيال عيشتني  
 بس إنت طلعت قادر  
 آخرتها خدعتني  
 دلوقتي عليك مش لايم  
 ماعدت تهمني  
 ون كان القلب ثاير  
 وهزمته وهزمتني  
 في لحظة كان فيها هايم  
 حبك وظلمتني  
 ورجعت مكسور حاير  
 وبأسوة حطمتني  
 لكن دلوقتي لازم  
 يل إنت تعبتني

أرد جرح غادر  
زي ما علمتني  
هو إيه ف الدنيا دايم  
يلي طعننتي

\*\*\*\*

## تملي تقولوا

تملي تقولوا عنه بأنه وأنه وأنه  
 أتغاظوا يلا وكنو أنا ماليه إيدي منه  
 كلامكو مش هامني ما حرك شعرة مني  
 لف يوم استغنى عني لا باعني أو لا وعني  
 عاملين دوشة وغلبة كفاية اتكسفوا حبة  
 دنا وكلة معاه وشاربة الكحكة ف إيدنا عجة  
 حركاتكو كتير وتعلوا كلام مش حأممله  
 سيبونا وعننا حللوا دة هو حي كله  
 وهو الإخلاص كله ما قدر يوم على زعله  
 لو وسط البحر أنزله أمشي بلاد وأسافرله  
 يطلع ف الحب الأول عمره مف يوم اتحول  
 ف نهاره حنان مطول وف ليله الشوق مكمل  
 لو غاب حبه يكلمني ويقول الي يطمني  
 يصالحني أو خاصمني من حاجة مش حارمني

طب لیه علیه تتجنوا حاسیبکو أنا بترنوا  
أنا سري هو سره جروا ف خیبتکو جروا  
أنا راسیة أوي علی بره لا یوم زعلنی عمره  
عاجنی بجلوه ومره بس یاریت ماتقروا

\*\*\*\*

## مرسالُ الحبِّ

مرسال حبي ياشوق  
 بتخلي قلبي يروق  
 بتطير وتهفهف فوق  
 وتقوللي صحصح فوق  
 لو مرة حبيبي غاب  
 أو مني حنيني داب  
 بتجيني بدون عتاب  
 وتوصي عل أحباب  
 بتداوي مل عذاب  
 وتوارب حبة الباب  
 وتقوم بحنين غلاب  
 ترميلي بسرعة الطوق  
 خاصمني حبيبي يوم  
 ألك تحرمي النوم  
 تدي حنان بالكوم  
 وتقول يا عيب الشوم

قوم بينا نصالحه قوم  
ماعاد للبعد لزوم  
أنا شايفك أوي مهموم  
وحاسس بيبك مخنوق

\*\*\*\*

## أكلُ وحلةُ

أكلُ وحلة وراح ووللا  
ماطل طلة وجابلي علة  
حلفت والله لو شفت وشه  
وراه راح أكسر الزير والقلة  
فتحت قلبي وربع جنبي  
فضل يعي يغرف في حيي  
طلع مخي بعدين غدري  
خني وتعبنا خفيف ولعي  
في وسط الشلة حاشوف مقابلة  
خلى الأحلة تمسك له ذلة  
علشان يحرم من دي عملة  
رسم وحلق بكلام مزوق  
وقلبي صدق ولقيتني بغرق  
حرق ومرق وقاللي روق

وراح مسبق حلوى ماحوق  
ده دق دقة خاين وإلا  
فكرته هوة لكن حايللة  
طلع يا عيني بألف ملة

\*\*\*\*

## ابعد من سكات

يلا ابعد من سكات  
 متقلبش فل لي فات  
 ابعد سييني للآهات  
 حبك خد مني راقات  
 وعمري راح وب بلاش  
 فرحي كله تاه ماجاش  
 ودموعي على مخدات  
 مش عايزة أحكي وأقول  
 لو بتعرف فل أصول  
 كنت بتتمنا تنول  
 رضا قلبي والقبول  
 وأما أديتك الأمان  
 قلبك خدعني وخان  
 ماتت فيه الإحساسات  
 مش طايقة أشوفك خلاص  
 وكرهتك من الأساس

روح واشرب من نفس الكأس  
جرب دوق نفس الإحساس  
مش حاسم منك كلام  
حارج مل أزمة أوام  
راح أكون أكثر ثبات  
يلا ابعُد من سكات

\*\*\*\*

## حبي أنا

حبي أنا تقدرني تنسيه  
 أيامه وب لياليه  
 تنسي يوم ماعرفتيه  
 تنسي لما هجرتيه  
 انسيه ساعة يوم انسيه  
 بس ف لحظة افتكريه  
 عارفة ليه واثق أكيد  
 علشان حبي كان فريد  
 كان عنيد وكان شديد  
 لو تقدرني يلا أنسيه  
 مهما قولتي أو داريتيه  
 وقدرتي حتى تخبيه  
 لو حبيتي يلا انسيه  
 قلبك اوعي تصدقيه  
 لو قال حبي راح تنسيه  
 حبي قلبك لسة شاريه  
 كلبش فيه كدة لوحديه

## سألتنني

سألتنني  
أصيتي شعرك الجميل  
وسبغتي  
رمشك وشفافيك ألوان  
غيرتي  
ملامح براءتك بدليل  
وحاولتي  
تخدعي عينيا كمان  
بتبان  
ف عينيك أوهام وخيال ظنان  
وحاجات  
ياما غيرة جواك بتبان  
وجالنا  
اللقى بعد بعاد وخصام  
وعيوننا  
اتقابلت مليانة كلام

بالعتاب  
وحنين مين يبدأ بالسلام  
مين مننا  
شايل للتاني الملام  
وظنيت  
ساعتها أنا بنكر حبنا  
خيالات  
سرحت في حاجات عننا  
وب رعشة إيد  
صوت عالي باتهامات  
تبعتر  
تكسر تتوعد بالآهات  
ما فهمتش  
لما عينيك في عيني جات  
كبرت  
أحلام طموحي مع الأيام  
تتحقق  
ونكون مع بعض احنا الاتنين  
ذكريات

طفولة مرسومة عل جبين  
زرعتها  
محفورة جوة نن عينيك  
أصيت شعري  
علشان لما أبصّ إليك  
عيزاك  
حاسس بجنيني وحي فيك  
غرقت  
الشفافيف والرموش ليك  
يوم ماشفتك  
بتبالغ ونا بين إيديك  
حبيبي  
داري ذهول باين ف عينيك  
مهما تغضب  
أنا لسة باقية عليك

\*\*\*\*

## وياويلنا

وياويلنا آه ياويل  
 مل جرح وسهر الليل  
 حظنا ف الدنيا قليل  
 وشبعنا من المواويل  
 تعبنا ياليل يا عين  
 وحشاننا أيام زمان  
 صحبة حلوة والمكان  
 طيبة الناس الجدعان  
 محرومين من الأمان  
 آه ياغدر السنين  
 حيارى ف زمن غريب  
 كل شيء بقى عجيب  
 حتى اللي جنبك قريب  
 مين عدو ومين حبيب  
 بقوا الناس متلونين  
 وسط لمة الأحباب

مين صادق ومين كداب  
فاتحين لح بابنا الباب  
وطبع البشر غلاب  
واحنا عل هموم صابرين

\*\*\*\*

## أتاريه

أتاريه محتفي عنا  
 شايف له شوفه تانية  
 يانارى عليه لو جالنا  
 أديله وش ف تانية  
 دل خاين يعرف خاينة  
 خسارة فيك حناننا  
 مبروك عليك تتهننا  
 وسيننا يلا ف حالنا  
 قدامي بيعمل طيب  
 مفيش حاجة تتعيب  
 طول عمره كان قريب  
 دلوقتي حاله اتشقلب  
 لو أعرف أنا مل أول  
 إزاي دلوقت أتحمل  
 شفته ألقاه يتجمل  
 في ضهري روح يتحول

ف عنيه باين متأنب  
أواجهه يعمل مستغرب  
يوعد وب يتهرب  
خلاص ماعدنا بنعجب  
ياقلي إنت بتتألم  
والجرح فيك معلم  
داري ولا تتكلم  
أدينا أهو بنتعلم

\*\*\*\*